



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1856

CCXLIII. Peter, Hans und Jacob Berkow verkaufen dem Kloster Lehnin die
Dörfer Schildow und Heinersdorf im Lande Teltow mit einem Hofe in
Wilmersdorf, am 10. August 1476.

Nutzungsbedingungen

[urn:nbn:de:hbz:466:1-54716](https://nbn-resolving.org/urn:nbn:de:hbz:466:1-54716)

letzte Handel geschah bauen berurt. Item to dem dritten male so hett Ern Johannes Denicken, in Tyde vnse hovemeister to Toeplitz, gegeben vnd to Danke wol betalet Claus Bochow 4 Schock Brandenburgisch Betalinge in vnsem dorpe und gerichte to Toeplitz; in derseluen stede hett ock derselue herr Johann Deneke betalet vnd gegeben, von Claus Bochow geheites wegen, in siner gegenwordicheit, Benedictus Merten bauen berührt 4 Schock groschen Brandenburgisch Betalinge, woniglicher Münze, 8 Pennige gerechnet vp einen groschen. Item to den letzten male hebben wie obgenante herren Claus Bochow gegeben vnd to genüge wohl betalet Negen und vrtich groschen in vnsern Gerichte und dorpe to Veßen als desse letzte Handel und Reckenschap geschah, in gegenwordicheit veler frommer lude. Alle desse vorgeschreuen Punkte vnd Articul in ein gemein vnd ein jslick besundern, die des Kopes und ock der betalinge halver bauen berürt sin, alle vorgeschreuen vnd ock gelesen in vnsern Gerichte vnd dorpe tu Veßen in gegenwordicheit des vorbenomenen Claus Bochow etc. Vnd an desse vorgeschreuen Reckenschap, Punkte vnd Articul baven berürt hett Claus Bochow wohl angenüget, ock hett hy sie alle ingegan vnd gefulborth. Hieran vnd auer sin gewest die vorsichtige vnd bescheidene Menner Benedictus Merten, Bürger in der Nistadt Brandenburg, Palmholzken Richter to Veßen, Claus Bochow Richter to Damsdorf, Simon Fritze Richter to Leist, Peter Hinze Richter to Götting, Paul Woldenborch Richter to Topelitz met den Puren desseluen Dorpes, ock etliche Puren von den andern vorbenomenen dörpern vnd fufs vele andere fromme loffwerdige lude, dy dar tu geeischet vnd vorbadet weren. Doch vme mehr Orkunde, Wittschap vnd Bewarunge willen, hebben wy beyde Parth to einer ewigen gedechtnisse nah vnser Wite, als wy ergedachte herrn van vns vnd vnser Gadeshufes wegen, vnd Claus Bochow von siner und siner eelicken hufsfrowen ock von siner Bruder Eruen vnd Ersgenamen wegen, dessen vorgeschreuen Handel vnd Reckenschap laten scriuen in vnser Landtschepen Buck, die dar waren in der hohen Zuche vnd vnsem Closter Lenin. Actum anno et die quo supra.

Aus Schönemann's Abschrift.

CCXLIII. Peter, Hans und Jacob Berkow verkaufen dem Kloster Lehnin die Dörfer
Schildow und Heinersdorf im Lande Teltow mit einem Hofe in Wilmersdorf,
am 10. August 1476.

Ick Peter, Borger thu olden Berlyn, vnd ick hans vnd Jacob, gebruder, dy Berkouwen genant, Bekennen offintliken in dessen vnser openbriue vor ydermenlich, dy en sien, horen ofte lesen vnd sunderliken vor vnse erfen vnd ersgenamen, dy nu sint vnd in thukomen tyden mogen werden, dat wy med guder eyndracht vnd wol bedachten made recht vnd redeliken vorkoft hebben vnd vorkopen in kraft vnd macht desses vnser openbriues deme Erwerdigen vnd geystliken heren, Eren Gallus Abbet, Johannes prior, Tilemannus supprior, Bartolomeus kelner vnd der gantzen Sameninge des Closters Lenyn, ordens van Cistercien, Brandenburges byschopdhomes, dat dorpe Schyldow med alle syner thubehoringe vnd rechticheit. Thu deme irsten male dat schulden ambacht med sefz hufen ackers, van den fuluen sefz hufen heft dy schulde

vyr hufen vry van den heren thu lehne, funder van den andern beyden hufen gefit hy drutteyn grofchen ane twe penninge thu tynfe jerlike renthe. Item dy fchulte gefit ouk den Heren negen grofchen van den lehn perde. Item dy fchulte heft ouk dat byrfchenken vry thu lehne van den heren. Item dy fchulte heft ouk ouer alle dy Lokenittze fehe iegen Lubas gelegen dy cleyne vyfcherye mede eyne kane. Item Bodeker heft felz hufen, dar gefit hy afe thu tynfe achte vnd druttich grofchen ane twe penninge, twe hunre, vyf eyger vnd eyn fchock ftro: dy fulue heft ouk eyne wefe, dar gefit hy afe alle jar thu tynfe twyntich grofchen; funder dy wefe mogen em dy heren vp feggen, wen it den heren bequeme is, wente dy wefe is em nicht vorerfet, funder hy heft fy med willen vnd gunft der heren. Item hennynck velefantz heft vyr hufen, dar gefit hy afe thu tynfe alle jar felz vnd twyngteften halfen grofchen, twe hunre, vyf eyger. Item Malow heft vyr hufen, dar gefit hy afe thu tynfe felz vnd twyngteften halfen grofchen, twe hunre vnd vyf eyger. Item dy hof, dar dy meyger vp wonet, heft felz hufen, dy gefit jerlike tynfe vyrtteyn grofchen ane twe penninge vnd eynen halfen wyfpel hoppen. Item Henkel heft vyr hufen, dar gefit hy afe felz vnd twyngteften halfen grofchen, twe hunre vnd vyf eyger. Item dy Peckhof gefit jerlike tynfe teyn grofchen. Item Pypers hof gefit jerlike tynfe felz grofchen, vyr hunre vnd teyn eyger. Item dy Parhof med fyner thubehoringe is vry by fick. Item Kykendorp hof gefit teyn grofchen jerlike tynfe, felz hunre vnd vefteyn eyger. Item Baltz heltz hof gefit vyr grofchen, twe hunre vnd teyn eyger jerlike tynfe. Item Haken hof, dy itzunt wufte is, gefit vyr grofchen, twe hunre vnde teyn eyger, ouk eyn vyrt manes. Item Hennynck treschowes hof heft vyr hufen, dy gefit felz vnd twyngteften halfen grofchen, vyr hunre, teyn eyger vnd dy fulue vorgefcreuen hufen heft itzunt dy meyger thu der heren hafe. Item dy hof, dar dy hoppegarde in gemaket is, gefit teyn grofchen jerlike tynfe, vyr hunre vnd teyn eyger. Item Brofius nouwen hof heft vyr hufen vnd gefit felz vnd twyngteften halfen grofchen, twe hunre vnd vyf eyger. Item Hans kerkouwes hof gefit felz grofchen, twe hunre, vyf eyger, eyn vyrt manes vnd eyn half vyrt fennep. Item dy molner gefit alle jar thu pachte druttich fchepel roggen den heren des dorpes Schyldow vnd dar bouen gefit dy molner der herfchap des dorpes Blankenfelde des jares eyn rock hun darmme, dat dat mollenhufz vnd hof der mollen thu Schyldow licht vp dat eygendhom der Herfchap van Blankenfelde. Item dy molle thu Schyldow plach ouk thu hebbenn vyr hufen, dy itzunt ackert vnd dryuet dy meyger van der heren wege, dy fulue hufen, wen fy befettet fyn, geuen ouk alle jar thu tynfe felz vnd twyngtefte halfen grofchen, twe hunre vnd vyf eyger. Item funte Katherinen fehe mogen vifchen dy heren na oren willen, funder fy muten dar afe geuen alle jar eyn punt waffes funte Katherine der kerken thu Schyldow, vnd oft dy heren den vorbenumeden fehe eynen andern vormyeden edder thu ftaden, dy fchal der kerken thu Schyldow alle jar geuen thu tynfe eyn punt waffes ane jnfage. Item eyn rorewyfeh, dy ick Peter Berkouwe van Harwich hoppenrode gekoft hebbe, gelegen iegen lubas. Item dat vyrdedeyl van der Lokenittze iegen lubas gelegen med den groten togen vnd cleyne vifcherye vnd ouk fufz med aller rechticheit vnd thubehoringe, fo verne alze dat felt vnd marke Schyldow fick endet thu water vnd thu lande. Item dat kerkenlehn, fratenrecht vnd ouk den dinst ouerfte vnd nederfte. Item den teget vp alle hofe. Item dat ouerfte vnd nederfte gerychte vnd fufz med aller thubehoringe vnd rechticheit an acker, watern, dyken, vifcheryen, holtten, heyden, bruken, wesen, rore, gras, weyde, ouk med aller andern rechticheit keynes buten befcheyden ofte vthgenomen ouer al. Vort hebben wy eyrgedachte bruder vorkoft vnd vorkopen in kraft vnd macht deffes vnfes openbrues den vorbenumeden heren vnd Clofter Lenyn dat dorp Heinrich-

storp, vp den Teltow gelegen, med deme ouersten vnd nedersten gerichte, ouk kerkenlehn, fratenrecht, dinst, ouerste vnd nederste vp alle hofe, grefinge, water, wesen, weyden, holten vnd ouk med dessen na gefcreuen hufen des suluen dorpes, pechten vnd tynfen. Thu deme irsten dat schulten ambacht med sefz hufen; van den sefz hufen heft dy schulte vyr hufen vry van den heren thu lehne, funder van den andern beyden hufen gest hy twelf grofchen jerlike tynse. Item dy schulte gest ouk den heren alle jar eyn schock van den lehn perde. Item dy schulte heft ouk vry thu lehne vp Peters molners hof den vleyfch teget, ouk twelf penninge vnd eyn rock hun. Item vp des herden hof heft dy schulte vry thu lehne vleyfch teget, twelf penninge vnd eyn rock hun. Item vp Andreas molners hof twelf penninge. Item dy schulte heft den vleyfch teget vp deme kruge vnd den tappen beker, dar thu teyn grofchen thu tynse. Item Bricker lomen hof med fouen hufen, gest der Herfchap eyne wyfel roggen vnd eyne wyfel hauern vnd eyn schock an gelde, fouen hunre vnd den teget jerlike rente; Andreas molner hof med dren hufen, gest achteyn grofchen; Borgart sperlinges hof med sefz hufen gest sefz vnd druttich grofchen; Peter molners hof med dren hufen gest achteyn grofchen; Olde molners hof med sefz hufen gest sefz vnd druttich grofchen, drutteyn hunre vnd den teget; Merten tymermanes hof med sefz hufen, nu hy wuste is, so gest hy achte schepel roggen vnd achte schepel hauern, funder wen hy besettet wert, so gest hy neyn korne funder alleyne vyr vnd twyntich grofchen; Vincentius krugers hof med vyf hufen gest eyn half schock; junge molners hof med vyr hufen gest vyr vnd twyntich grofchen; dat godeshufz gest sefz grofchen van eyner hufen. Item wy meyrbedachte bruder hebben ouk vorkoft vnd vorkopen vort in macht vnd krafft desses vnfes openbriues den vorgescruen heren vnd godeshufze thu Lenyn eyne hof in deme dorpe Wilmerstorp med twen hufen, dy geuen alle jar eyne wyfel roggen vnd eyne wyfel hauern vnd eyn half schock jerlike rente, ouk sufz med alle syn thubehoringe vnd rechticheit, holten, wesen, grefingen, weyden, watern, den teget, rock hunre, dinst ouerste vnd nederste, keynes buten bescheyden. Alle desse vorgescruen guder, tynse vnd rente vnd ouk alle thubehoringe vnd rechticheit der suluen guder hebben wy Peter vnd hans, ouk Jacob, gebruder, dy Berkouwen genant, vorkoft vnd vorkopen in kraft vnd macht desses vnfes openbriues den vorbenumeden heren vnd godeshufze Lenyn vnd hebben dy geueu vor sefzteyn hundert Rynsche guldenn, dy vns dy vorgescruen heren thu genuge vnd thu danke wol betalet hebben, vnd seggen em vnd orem godeshufze der sefzteyn hundert guldenn quyd vnd lofz in kraft vnd macht desses vnfes openbriues. Wy vorgescruen bruder reden vnd lofen ouk in kraft vnd macht desses vnfes openbriues, dat wy den heren van Lenyn vnd oren godeshufze der vorgescruen guder, tynse vnd rente med alle oren thubehoringen vnd rechticheyden willen eyn gantz vnd recht gewere syn vor eyn ydermanne vnd vorlaten ouk den heren van Lenyn vor vns vnd vnfen erfen ouk erfgenamen wegen, dy nu sint vnd in thukomen tyden mogen werden, dy vpgescruen guder gentzliken vnd gar med allen oren thubehoringen vnd rechticheyden keynes ouer al vtghenomen vnd setten vort dy heren vnd dat Closter thu Lenyn in dy were vnd rechticheit der vorgescruen guder med kraft vnd macht desses vnfes openbriues. Hir an vnd ouer sint gewest alze tuge dy Erfamen vnd wolwyfzen hern hans blankenfelde, Thomas blankenfelde, Joachym ryke, Andreas mutzelitz, alle Borger thu olden Berlyn vnd vele ander lofverdighen. Des thu forder orkunde vnd wytfschap hebbe ick Peter vnd ick Hans vnd ouk ik Jacob, gebruder, dy Berkouwen genant, eyn yewelick syn Ingefegel vnder an dessen vnfen openbriue laten bengen, dy gefcreuen vnd geueu is thu olden Berlyn, na cristi

vnfes heren gebort vyrteyhundert vnd in deme selz vnd fouentigsten jare, an funte Laurentius dage des hyligen merterers.

Nach dem Originale des Geh. Staats-Archives.

CCXLIV. Kurfürst Albrecht vereignet dem Kloster Lehnin die Dörfer Schildow und Heinrichsdorf mit einem Hofe zu Wilmersdorf, welche das Kloster von den Berckowen erkauft hat, am 31. August 1476.

Wyr Albrecht, von gots gnaden Marggraue to Brandemborch, desz hilligen Romischen Reichs Erczkamerer vnd kurfurste, to Stettin, pomeran, der Cassuben vnd wenden herczoge, Burggraue to Nuremberch vnd furste to Rugenn, Bekennen vnd dhun kunt offintlich mit dessen briue vor vnz, vnzen eruen vnd nakomen Marggrauen to Brandemborch vnd lust vor allermeniglich, dy en sehen, horen adder lesen, dat wy dem Almechtigen gade, Marien seiner werden muder to loue, allen himelischen heren to eren, vnzer vorfaren seligen, vnz, vnzen eruen vnd nakamen vnd allen glowigen selen In Jhener werlt to wolart, trost vnd felicheit vnd vmb merungh, ock sterckung gades dinst, dem werdigen vnd andechtigen vnzem Rade vnd liuen getrewen heren gallus, Apte des Closters von lehnin, ordens von Cistercien, Brandemborgisch Bisschopdoms, dem Prior vnd dem ganznen Conuente darfuluest, vnd allen eren nakamelingen, desse nagescreuen dorpper Jerliche tinfze vnd rente to einen rechten ewigen Eigendom gnedichlich voreigent hebben, ewichligen bey dem Closter lehnyn to bliuen, mit namen dat dorp Schildow, vp dem Barnim gelegen, mit allen gnaden, rechten, Tinfzen, pechten, Agkeren, welzen, holten, wateren, fischerien vnd fufz aller herlicheit angefallen, mit gerichtten ouersten vnd nedersten, kergklehn, Stratenrecht, dinsten, ouersten vnd nedersten, den teynden vnd Rente up allen hufen, Molnen, dyken, Rorwefenn, weyde, bruke, heide, grefinge vnd lust mit aller togehoringe vnd gerechtigkeit, als yd van alder darto gehoret hefft, gar nichts uthgenamen. Ock hebben wy voreygent vnd voreygen In crafft vnd macht disses briues den vorbenanten herren vnd Closter lehenin dat dorpp heynricksdorpp, up dem Teltow gelegen, mit ouersten vnd nedersten gerichtten, kergklehen, Straten Recht, dinsten, ouersten vnd nedersten, up allen howen, mit grefingen, wateren, wesen, weyden, holten vnd ock mit dessen nagescreuen hufen dessuluen dorps, pechten vnd tinfzen: tom irsten dat Schulenampt mit soz hufen, von den soz hufen hefft die Schulte vier hufenn frey von den heren des gemelten Closters to lehne, Sunderen von den twen anderen hufen gest hie Jerliken to Tinfze twelf groschen. Item die Schulte gest ock den heren alle Jar ein Schogk vor dat lehen pert. Item die sulue schulthe hefft ock frey to lehene up peter Molners hoff, ok des herden hoff vnd Andreas molners hoff den fleischteynden vnd von iglichem hofe befunderen desz Jars twelf penninghe to tinfze vnd ein Roghun. Item meher hefft hie in lehen fry up dem kruge den fleischteynden, den tappen becker vnd teyn grosschenn Jerliker tinfze. Item bricker lomen hoff mit sewen hufen gest der herfchap Jerliken to tinfzen einen winspel roggen, einen winspel haweren, ein Schogk an gelde, fouen hunre vnd den teynden. Andreas molners hoff mit dreyn hufen gest achtein grosschenn. Borchart sperlinges hoff mit soz huwen gest soz vnd druttich groschenn. Peter molners hof mit dreyn hufen